

Sestre Martina i Matea Šumelj napuštaju Jedinstvo?



Sestre blizankinje, Martina i Matea Šumelj (22), po svemu sudeći u narednoj sezoni neće nastupati za tuzlansko Jedinstvo.



Nakon što im je istekao ugovor, dobile su ispisnice, a za sada nije poznato gdje će nastaviti karijeru.

Golmanica Martina i pivot Matea u Jedinstvu su provele tri sezone i bile su među najboljim igračicama tima.

-Još nismo odredili početak priprema, a ne znamo ni u kakvom sastavu ćemo početi narednu sezonu. Tačno je da su sestre Šumelj dobile ispisnicu, ali im je ostavljena mogućnost da i naredne sezone igraju za naš tim. Međutim, uslovi koje su postavile, one i roditelji, teško su ostvarivi za nas – izjavio je za Fenu predsjednik Jedinstva, Milenko Tadić.

Sestre Šumelj prešle su u Jedinstvo u junu 2016. godine iz ljubušskog Izviđača CO. Obje su nastupale za mladu reprezentaciju BiH.

– Imamo par ponuda za prelazak. Razmatramo najbolje opcije, a među njima je i ponuda Jedinstva. U ovom trenutku još ništa nismo odlučile – kazale su za Fenu sestre Šumelj u zajedničkoj izjavi.

Matea je odigrala tri sezone za tuzlanski klub i bila je među najboljim strijelcima. Martina je na голу „plavih“ bila dvije sezone, s obzirom na to da je uoči početka minulog šampionata teško povrijedila križne ligamente, morala je na operaciju, a zbog rehabilitacije pauzirala je cijelo prvenstvo. (mp, Fena – Foto: mpt)

Date: 21-07-2019